

J.P. „RADIO SANA“ D.O.O. SANSKI MOST



PROGRAM RADA SA FINANSIJSKIM PLANOM J.P. „RADIO SANA“ D.O.O.

SANSKI MOST

ZA 2016. GODINU

Sanski Most, novembar 2015. godine



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

SADRŽAJ

1. OSNOVNI PODACI

2. UVOD

3. OSNOVNE AKTIVNOSTI PLANIRANE U 2016. GODINI

- Razvojnu intervenciju u oblasti djelatnosti, organizacije, programa, kapaciteta, shema i tehničkih kapaciteta
- AKCIONI PLAN - TV INFO KANAL - TV „Sana
- Razvojna investicija s ciljem poboljšanja uslova rada i tehnike
- Intervencija u oblasti marketinga i marketinške ponude
- Promotivne aktivnosti
- Imidž preduzeća
- Vlastita produkcija

4. RESURSI S KOJIMA RASPOLAŽEMO U 2016. GODINI

- Ljudski resursi
- Financijski resursi
- Korisnici usluga

5. PLAN PRIHODA I RASHODA



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

OSNOVNI PODACI

NAZIV PREDUZEĆA	J.P. „RADIO SANA“ D.O.O. SANSKI MOST
ADRESA	BANJALUČKA 2, 79 260 SANSKI MOST, BOSNA I HERCEGOVINA
WEB SITE	www.radiosana.ba
TEL/FAX	+ 387 / 37 / 686 - 152
E-MAIL	radiosana@yahoo.com
BR. I DATUM RJEŠENJA O UPISU SUBJEKTA UPISA U SUDSKI REGISTAR	017-0-Reg-06-001 od 24.08.2006.g. Mat.reg.br.subj.upisa 1-4452-00
OBLIK SUBJEKTA UPISA	DRUŠTVO S OGRANIČENOM ODGOVORNOŠĆU
DJELATNOST SUBJEKTA UPISA	Djelatnost prema Rješenju
IDENTIFIKACIONI BROJ	4263037610009
PDV BROJ	263037610009
PORESKI BROJ	11420746
TRANSAKCIJSKI RAČUN	199 044 000 174 86 – 20 kod Sparkasse bank
SKUPŠTINA PREDUZEĆA	Edisa Kumalić, dipl. pravnik - predsjednik Mevlida Deumić, dipl.ing.d.i. - član Zerina Pašagić, dipl. pravnik – član Azra Redžić Gazibara, dipl.pravnik – član Said Ramić, mr.politolog - član
NADZORNI ODBOR	Alma Karabeg, prof. - predsjednik Jasna Bošković, dipl.pravnik - član Dževida Hasić, prof. - član
DIREKTOR	Direktor Mira Bjelac



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

UVOD

J.P. «Radio Sana» d.o.o. Sanski Most je lokalni medij koji u svom proteklom 19.godišnjem kontinuiranom radu, objektivno, odgovorno, kvalitetno, cjelovito, informiše, izvještava, educira i zabavlja svoje slušatelje. Radio je svojim programskim sadržajem isključivo u službi lokalne zajednice i izvještava o svakodnevnim događanjima na području općine, kako društvenog života tako i samih građana, porodica, udruženja. Kao rezultat dugogodišnje saradnje, građani aktivno učestvuju svojim informacijama, sugestijama, prijedlozima novinarima da pažnju posvete događanjima koja na pravi način odaju sliku njihove zajednice. Kao lokalni medij izvještavamo o temama koje promoviraju povezanost lokalne zajednice, saradnju, sudjelovanje građana i ističu pozitivne ciljeve iz zajednice. Općina i njene stručne službe kroz svoju Strategiju komuniciranja, javnim istupanjima, aktivnostima, koristi potencijale lokalnog radija za održavanje i poboljšavanje komunikacija sa građanima što doprinosi rješavanju problema, iznalaženju rješenja i njihove provedbe u djelo.

Kontinuitet kvaliteta programa je jedan od razloga posjedovanja dugoročne OPĆE DOZVOLE ZA RADIJSKO EMITIRANJE putem zemaljske radiodifuzije od strane Regulatorne agencije za komunikacije (RAK) i to na period od 10 godina, počevši od 01.01.2010.godine i vrijedi do 31.12.2019. godine.

Potvrda kvaliteta i pored ograničavajućih tehničkih i finansijskih mogućnosti su:

- priznanje 2006.godine za izvanrednu saradnju i predanost u prenošenju informacija o radu misije OSCE-a proteklih godina;

- priznanje za kvalitetan rad nam predstavlja i činjenica da je na 38. sjednici Općinskog vijeća, održanoj 04.12.2007.godine Općinsko vijeće donijelo Odluku (br. 07-02-2505/07) o zadržavanju prava osnivača i vlasništva nad kapitalom J.P. „Radio Sana“ d.o.o. Sanski Most. U skladu sa članom 1. ove Odluke neće se ići u proces privatizacije ovog preduzeća;

- osvajanje novog informativnog, internet prostora što se očituje kroz povećanje broja posjetilaca iz 136 svjetskih država našoj internet i facebook stranici, te slušanja našeg programa on line putem web stranice: radiosana.ba, kao i praćenja sadržaja naših novih informativnih emisija „Hronika Sana“ preko YOU TUBE kanala.

- prepoznavajući kvalitet i aktualnost informacija Radio „Sane“ - sve više radio, TV kuća, internet portala preuzimaju naše priloge, što za nas znači dokaz kvalitetnog obavljanja posla; istina, brojni su primjeri klasičnog informativnog piratstva, gdje se naše informacije i prilozi preuzimaju bez objavljivanja autorstva, što je pravilo u ovom poslu.

Plan poslovanja za 2016.godinu smo prilagodili događajima u toku završavanja plana, promjenama u djelatnosti i proširenju iste. Plan za 2016.g odnosi se na rad preduzeća u okviru kojeg imamo dva medija radio i televizija. Radio nastavlja sa dosadašnjim programom s tim što će dio programskog sadržaja audio preuzimati sa audio vizuelnih uradaka namijenjenih TV programu i obrnuto. Plan poslovanja preduzeća izrađen na temelju analize dosadašnjeg poslovanja preduzeća J.P. Radio „Sana“ i novog medijskog audiovizuelnog medija info kanala TV „Sana“.

Pripreme za TV su počele eksperimentalnom proizvodnjom audiovizuelnih priloga na internet portalima „HRONIKA SANA“. Cijeli razvojni put imao je cilj stvaranje predispozicija za novi medij TV „Sana“. Od 2016.godine dosadašnja JP Radio Sana se transformira u RTV „Sana“ Sanski Most. Dozvola Regulatorne agencije za komunikacije izdata je 11.11 2015.godine na period od 10 godina.

Plan podrazumijeva zadržavanje dosadašnje pozitivne prakse, kao i planiranje i viziju implementacije razvoja poslovanja. Slobodom govora i izražavanja, kvalitetnim i blagovremenim informisanjem, kvalitetom edukativnih i zabavnih sadržaja, ostaćemo medijska kuća od javnog interesa koja poštuje i promiče najviše standarde i pravila struke, komunikacijska prava građana, kulturu i demokratsku orijentaciju društva.



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

OSNOVNE AKTIVNOSTI PLANIRANE U 2016. GODINI

Akcioni plan poslovanja/razvoja radija u 2016. godini podrazumijeva prije svega:

1. Razvojnu intervenciju u oblasti djelatnosti, organizacije, programa, kapaciteta, shema i tehničkih kapaciteta
 - Menadžment, Uredničko vijeće (članovi: Milka Cerić, profesor bosanskog jezika; dr Marinko Čengić, ljekar u Domu zdravlja Sanski Most; Mirsad Sedić, islamski vjerski službenik u Sanskom Mostu i Amer Mezetović – sociolog, uposlenik Općine Sanski Most), glavni i odgovorni urednik i uposlenici će u aktivnoj interakciji i saradnji sa slušaocima/građanima, a na osnovu njihovih reakcija i mišljenja upućenih direktno ili posredno putem naše internet stranice, uvažiti sugestije, savjete i kritike, poboljšati kvalitet već proširene programske sheme, obogatiti istu u oblastima kojima se možda posvetilo manje medijske pažnje ili vremena.
 - Radio Sana: Programskim sadržajima se teži uspostaviti temelj konstantnoj interaktivnoj komunikaciji sa trenutnim i potencijalnim slušaocima, koji će sada, a i u budućnosti, kao konzumenti, biti inspiracija, motiv, partner i pokretač, ostati jedan od inicijatora i motivacije za dalji razvoj i unaprijeđenje kvantiteta i kvaliteta rada i razvoja ove medijske kuće.
 - Razvojno, istraživačko izvještavanje i nove emisije koje su doprinijele pozitivnim reakcijama javnog mnijenja imaju za cilj povećati aktivno, konstruktivno učešće građana u razvojnim aktivnostima, projektima o sveobuhvatnom životu lokalne zajednice sa svim njenim uspjesima i problemima, posebno u izvanrednim, sve više prisutnim, situacijama uzrokovanih elementarnim nepogodama. Ovakav programski pristup će omogućiti veći stupanj informiranja građana, isto tako omogućiti izražavanje javnog mnijenja o programskoj šemi, programu našeg radija i njegovo prilagođavanje potrebama i željama lokalne zajednice.
 - Kvalitetnom, proširenom programskom šemom i HRONIKOM SANA uključujemo veći broj gostiju, javljanja s terena, tonskih priloga (u realizaciji učestvuju: glavni urednik, novinari spikeri, tehničari.) Većina zaposlenih na osnovu svog višegodišnjeg iskustva, stručnosti i afinitetima su i autori ili realizatori emisija. Programsku šemu i njenu realizaciju nadzire Uredničko vijeće što dodatno doprinosi postizanju boljeg kvaliteta i veće slušanosti programa.
 - Programska šema će zadržati slušane i kvalitetom potvrđene emisije iz prethodnog perioda, a u 2016.godini planiramo uvesti još novih emisija (izrađene tokom saradnje prethodno navedenih učesnika u planiranju) čija tematika i nazivi će biti dogovorani na posebnim sastancima kolegija i Uredničkog vijeća.
 - Radio «Sana» je započela realizaciju serijala emisija o mjesnim zajednicama. U tim emisijama namjera nam je da približimo život svih sanskih mjesnih zajednica, njihove potrebe i zahtjeve, historijsku i kulturnu baštinu, prirodne resurse i sl. U okviru ovih emisija pratićemo, što smo i do sada, rad udruženja u MZ; udruženja žena, omladine, poljoprivrednika, građana. Smatramo da takve emisije realizovane na terenu ili gostovanjem na radiju imaju veliki značaj, kako za mjesne zajednice, tako i za lokalnu zajednicu – Općinu i kvalitet našeg programa.
 - Kalitetno proširiti, obogatiti informativne sadržaje sa akcentom na lokalne informacije. Iako je po svom karakteru lokalni, radio će pažnju posvećivati i događajima iz šire društvene zajednice, Bosne i Hercegovine i svijeta, tako će biti lokalni radio sa globalnom informacijom. Informativni program zadržaće sve postojeće informativne emisije dnevne i sedmične produkcije: Vijesti BHR 1, Radio Slobodna Europa (preuzimanje), kraće informativne emisije 6 puta dnevno (fleš vijesti i info time), centralnu informativnu emisiju „CENTRAL“ u 16 h sa reprizom. Dva puta sedmično imamo emisiju „AKTUELNI RAZGOVORI“ (ponedjeljak i srijeda) u trajanju od 1 sat, sa gostima iz svih sfera života, ne fokusirajući se pri tom samo na općinu Sanski Most.



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

- Sadržajima usklađenim s interesima javnosti i općim načelima djelovanja javnog radija, cilj nam je da naš program da svoj doprinos razvoju civilizacijske i kulturne razine društva, poštivanju različitosti i predstavlja prostor za sve društvene grupe bez obzira na godine, spol, obrazovanje i druge različitosti.
- Pored već proširenog programa posvećenog učenicima i obrazovnim institucijama (osnovno i srednje obrazovanje) promovirati omladinski sektor, njihove aktivnosti i interese populacije mladih uz već postojeće emisije za djecu školskog uzrasta u trajanju od 45 min dva puta sedmično i emisiju za najmlađe slušatelje u trajanju od 30 min pet puta sedmično. Edukativni dio programa čine i emisije iz oblasti kulture (književna dijela, poezija ...), nauke, historije i dr.
- U toku 2015.godine imali smo serijal „HISTORIJA BOSNE, RELIGIJE SVIJETA “ koje se još emituju, u planu za 2016. godinu je serijal Historija umjetnosti “STAROG SVIJETA, MISTERIJE I NEOBJAŠNJIVI FENOMENI, u pripremi je i serijal MONARHIJE SVIJETA. Dosadašnji serijali su pozitivno ocjenjeni i praćeni od strane slušalaca. U 2016. godini nastavljamo s realizacijom navedenih tema s posebnim akcentom na poznate ličnosti, događaje koji su obilježili pojedina razdoblja i vrijeme, sve do danas.
- Obogaćivati, i kao do sada pratiti, sadržaje namjenjene ciljnim skupinama; borci, invalidi, nezaposleni, stari, nemoćni, značajnu pažnju posvetiti sadržajima koji će doprinijeti jačanju porodice kao osnove društva, te našim građanima u inostranstvu.
- Nastaviti sa dokumentarnim i kontakt emisijama u cilju promocije kulturno-historijskih resursa, prirodnih potencijala, tradicionalnih zanatskih aktivnosti, turizma, ekologije, privrede, poljoprivredno-prehrambenih potencijala (2-3 emisije mjesečno), kulture i drugih oblasti života i djelovanja na našoj općini i šire.
- Kao nepristrasna medijska institucija aktivno pratiti i informirati o svim političkim, društvenim događanjima i procesima.
- Redovno prisustvovanje i izvještavanje sa sjednica Općinskog vijeća Sanski Most i informiranje građana o istom kroz našu dnevnu informativnu emisiju „Central“. Nastaviti sa reemitiranjem cjelokupnog toka sjednica ovog zakonodavnog tijela što doprinosi informiranju javnosti o sadržajima, samom načinu radu i funkcioniranju Općinskog vijeća Sanski Most. Nadamo se da će ovaj reemitirani program biti kvalitetniji, da će službe OV omogućiti tehnički kvalitetnije snimke sa sjednica u narednom periodu.
- Nastaviti suradnju sa Općinskim službama sve u cilju dostupnosti i razmjene informacija neposrednim kontaktima, što omogućava bolje informiranje građana o načinu i mjestu rješavanja njihovih potreba kao i službama koje imaju priliku kroz emisije pružiti informacije o svojim nadležnostima i radu, a sve u cilju zadovoljavanja potreba fizičkih i pravnih subjekata u općini.
- Pratiti implementaciju izbornih rezultata, LOKALNI IZBORI U BiH 2016.godine na svim nivoima vlasti u BiH.
- Naredne 2016.god. planira se emitovanje sezonske emisije i realizacija sa i o našim sugrađanima koji žive i rade u inostranstvu, a s kojima smo već ostvarili značajnu saradnju u prethodnoj godini.
- Muzički program, u sklopu kojeg su i nove autorske emisije, ostaće prilagođen različitim afinitetima slušatelja, uz poštovanje umjetničkog, tradicionalnog i kvalitetnog kriterija za izbor. U izradi su novi projekti u okviru ovog programa, emisije posvećene velikim muzičkim ličnostima iz svih muzičkih žanrova, biografski i razvojni put, kritike i kvalitet koji ih je uvrstio u nezaborane i uvijek rado slušane. Preduzeće će nastaviti s tradicijom organizovanja muzičke manifestacije „Zlatni glas Sanskog Mosta“ namijenjene otkrivanju mladih muzičkih talenata, kao i za obogaćivanje zabavnog



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

života našeg grada. Nastavlja se tradicionalna manifestacija posvećena najmlađima, gdje kroz zabavno-muzički dio programa razvijamo ekološku svijest kod mladih generacija, ukazujući na značaj čuvanja i njegovanja životne sredine i prirodnih bogatstava Zemlje.

- Posebnu pažnju i dalje posvetiti amaterskom sportu, informiranjem doprinijeti njegovom omasovljenju i popularizaciji kao i aktivno praćenje općinskih sportskih klubova. Pored redovnog informiranja o sportskim događanjima u programu imamo dva puta sedmično specijalne sportske emisije sa gostima iz svijeta sporta.
- Religijski program pokušati proširiti u emisije povodom vjerskih praznika, specijalnih emisija vjerskih zajednica i dalje nastojati uključiti i pravoslavnu vjersku zajednicu od koje očekujemo da svojim učešćem omogući da uvedemo u programsku šemu još jednu emisiju. Napominjemo da je naš medijski prostor u potpunosti otvoren za emisije svih religijskih zajednica koje žive na području općine Sanski Most.
- Emitovanje informacija u interesu građana koje treba da doprinesu njihovom snalaženju u vremenu ubrzane komunikacije, biti im vodič u rješavanju njihovih administrativnih problema, informiranje o aktualnim događanjima u politici, privredi, obrazovanju, sportu.
- Programska šema će se prema uobičajenoj praksi prilagođavati društvenim, kulturnim i religijskim događajima i mijenjati ovisno o godišnjim dobima odnosno ljetnoj/zimskoj sezoni i događajima koji ih prate na području naše općine.
- U cilju kvalitetnijeg informiranja građana Općine Sanski Most i dijaspore, Općina Sanski Most je obogatila sadržaj svoje zvanične web stranice novim projektom – HRONIKA SANA, koji podrazumjeva audiovizuelnu prezentaciju aktualnih dešavanja. Za realizaciju ovog projekta Općina Sanski Most kao Osnivač J.P. „Radio Sana“ d.o.o. Sanski Most, angažirala je radnike J.P. „Radio Sana“ i korištenje programskih informativnih sadržaja u produkciji HRONIKE SANA. Općina Sanski Most je za ovaj projekat osigurala dio tehničke opreme (kompjuter i kamera) i kanal za emitovanje. Radio Sana HRONIKU SANA preuzima sa zvanične općinske web stranice i emituje na svom portalu. Obzirom da posjedujemo kvalitetan kadar s dovoljnim iskustvom u toj medijskoj oblasti, s minimalnim tehničkim kapacitetima započeli smo produkciju emisije „Hronika Sana“, koja u audio vizuelnoj formi sažima događaje i aktuelne informacije iz našeg informativnog programa vezane za Sanski Most. Za sada se emisija emitira tri puta sedmično putem internetskih portala i You tube kanala Općine, a reakcije su veome pozitivne.

AKCIONI PLAN - TV INFO KANAL - TV „Sana“

U 2015. godini „Radio Sana“ je počela, već planirane, pripreme za osvajanje novog audiovizuelnog medijskog prostora kao i proširenje djelatnosti obzirom na to da J.P. „Radio Sana“ d.o.o. u svojim registrovanim aktivnostima, osim radijskog emitiranja posjeduje i mogućnost televizijske produkcije. Realno, i trenutno jedino moguće tehnički, kadrovski, programski, a i u okviru Zakona o audiovizuelnim medijima RAK-a, je bilo traženje i dodjela dozvole za televizijsko emitiranje putem drugih elektronskih komunikacijskih mreža, za početak samo kablovske televizije BHB CABLE TV.

To je način da se putem TV „Sana“ info kanala omoguće građanima nove, bogatije audiovizualne informacije koje su im bile dostupne putem radija i interneta - „Hronika Sana“. Za realizaciju projekta i programa iskoristićemo naš trenutni radijski potencijal i dugogodišnje, bogato iskustvo zaposlenih. Ova ideja je, uz podršku osnivača i realizirana. Obrada kompletne dokumentacije od strane RAK-a,



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

administrativne, personalne i tehničke pripreme na samom radiju su pozitivno ocijenjene, rezultat je dozvola za pokretanje TV INFO kanala TV“ Sana“.

Dozvolom Regulatorne agencije za komunikacije od 11.11.2015.god. se utvrđuje da su ispunjeni uslovi da se J.P. „RADIO SANA“ doo Sanski Most, kao javnoj stanici, dodijeli Dozvola za televizijsko emitovanje koje se vrši putem drugih elektronskih komunikacijskih mreža. Dozvola vrijedi 10 godina, do 2025.godine.

Produktivan, stvaralački rad ovakvih TV emitera je sve više prisutan i zauzima medijski prostor gotovo u cijeloj BiH. Sve veći broj radio stanica u okruženju su realizirale ovakve projekte (RTV Lukavac, Mrkonjić Grad, Jajce i dr.). Mislimo da će realizacija projekta imati veoma pozitivne efekte kada je u pitanju informisanje u našoj lokalnoj zajednici, jer se u budućnosti, u 2016.godini, na ovaj način omogućava realizacija raznih sadržaja, kao što su npr. televizijski prenosi sjednica općinskog vijeća ili drugih važnih društvenih događaja. Istovremeno, na taj bi se način našoj medijskoj kući stvorio prostor za kvalitetnije marketinško poslovanje i izlazak iz hronično loše finansijske situacije koja nas prati godinama. Istovremeno, to bi omogućilo kvalitetno angažiranje svih zaposlenih radnika na različitim vrstama poslova.

Radio “Sana“ ima 13 zaposlenih od kojih se 6 planira angažovati u TV „Sana“, isti su sa dugogodišnjim iskustvom na istim ili sličnim poslovima što omogućava njihovo uključivanje u rad na TV produkciji uz stalno usavršavanje. Buduća RTV Sana će koristiti sve raspoložive ljudske resurse koji će proizvoditi program za radio i tv, tehnički prilagođavati jednom i drugom mediju. U ovom projektu potrebno je zaposliti još jednu stručnu osobu, informatičko-tehničke struke za montažu, produkciju TV programa, održavanje opreme i dodatnu obuku postojećeg kadra.

Kablovska BHB Cable TV, svojom IZJAVOM upućenoj RAK-u je preuzela obavezu i garanciju da će putem kablovske televizije pružati audiovizuelnu medijsku uslugu emitovanja programa programa TV „ Sana“.

BHB Cable kao operater pokriva gradove u Unsko-sanskom kantonu, Tuzlanskom kantonu, Srednje bosanskom kantonu i Brčko distriktu. Ova mreža pokazuje tendenciju sve veće ekspanzije i ubrzanog razvoja. Putem BHB Cable će se, prije svega, programom „TV Sana“ pokriti Općina Sanski Most i Unsko-sanski kanton, odnosno cijelo područje na kojem će BHB kao operater pružati svoje usluge. TV „Sana“ će kao javni servis biti otijentisan ka lokalnoj zajednici, prije svega, i programska šema je prilagođena takvoj viziji našeg rada. Naš program je u potpunosti u skladu sa pravilima i propisima RAK-a, a posebno Kodeksom o audiovizuelnim medijskim uslugama i Kodeksom o komercijalnim komunikacijama. I radio i televizija će u svom programu obezbjediti tačnost, objektivnost i nepristrasnost u uređivanju programa, bez narušavanja pravila i kodeksa, te mogućnosti nanošenja štete bilo pojedincima ili organizacijama.

Programska šema je raznolika, s mnogo informativnog programa, ali i kulturno-zabavnog, obrazovnog, sportskog, dječijeg. Kroz segmente našeg rada biće zastupljeni i sadržaji vezani za rad lokalnih vlasti, nevladinih organizacija, obrazovnih, kulturnih, vjerskih, sportskih i drugih institucija. Sadržaj programske šeme je prilagođen pravilima RAK-a: informativno-politički program 40%, muzičko-zabavni program 20%, sportski program 15%, obrazovni program 8%, dječiji program 6%, marketing 6% i religijski program 5%.

U dogovoru smo za preuzimanje programa drugih TV kuća TV USK, TV LIBERTY, aktuelne priloge javnih TV (FTV, BHT u dozvoljenom vremenskom trajanju). U toku priprema za početak emitovanja TV Sana nabavićemo dokumentarne, igrane, dječije filmove i serijale, preuzimanjem ili kupovinom u okviru finansijskih mogućnosti.



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

U proizvodnji programa biće angažovana stalno uposlena lica sa dugogodišnjim radnim iskustvom. Vjerujemo da će se tokom rada TV Sana, u bliskoj budućnosti stvoriti uvjeti za prijem mladih, obrazovanih, nezaposlenih kadrova kao pripravnici, čime ćemo dati prostor mladim ljudima da iskažu vlastiti kvalitet i kreativnost.

Programski kriteriji koji su analizirani u sklopu obrade zahtjeva od strane RAK-a, uključuju usklađenost planirane sedmične šeme, programskih segmenata i strukture programa u skladu sa Pravilima i Kodeksima RAK-a, prihvaćeni i odobreni kao takvi.

Kroz kablovsku BHB Cable TV svoj program emituju različite TV stanice, javni i privatni emiteri koji svoje sjedište imaju u BiH, ali i u drugim zemljama regiona, Evrope i svijeta. Ove TV stanice imaju raznovrsnu programsku šemu i zastupljeni su sadržaji koji tretiraju teme s državnog i globalnog nivoa, a određeni broj emitira specijalizovan program (sport, muzika, filmovi...). Ovdje vidimo njihov nedostatak, a našu prednost što ćemo u velikom dijelu programa realizovati sadržaje i teme koje govore o lokalnom području. U našem TV programu te će informacije preovladavati uz emisije i sadržaje koji će prezentirati aktuelnosti, aktivnosti, te ukupan život u našoj zemlji i šire. Dakle „RTV Sana“ će pojedincima i institucijama s lokalnog nivoa pružiti priliku da svoju aktivnost prezentuju javnosti, što sasvim sigurno nemaju priliku učiniti u drugim RTV kućama, odnosno kanalima.

Obzirom na zonu pokrivenosti BHB Cable TV kao operatera putem čije mreže planiramo pružiti audiovizuelnu medijsku uslugu, ovisiće i naše tržište za marketinšku djelatnost. TV „Sana“ je javna tv tako da je prostor emitovanja marketing programa ograničen na 4 min/h za razliku od privatnih, komercijalnih tv kuća 12 min/h. Obzirom da imamo u sastavu radija osobe za marketing, služba će na osnovu plana i utvrđenog cjenovnika animirati ponudu kod klijenata i određenog broja oglašivača. Već potpisani ugovori s marketinškim agencijama, također nam omogućuju dolazak oglašivača.

Tržištu ćemo ponuditi:

- usluge emitiranja reklamnih spotova i džinglova,
- usluge video stranica, obavještenja, male oglase,
- sponzorisanje emisije,
- sve druge usluge koje su u skladu sa kodeksom o komercijalnim komunikacijama.

Usluge marketinga nudićemo na području zone koju pokriva BHB Cable TV operater. Određeni vid saradnje koji postoji od ranije sa privrednim subjektima, odnosno potencijalnim oglašivačima, iskoristićemo za širenje saradnje i ponude u našem programu. Kvalitetnom izradom reklamnih spotova i džinglova, raznovrsnom ponudom i cijenama nasojaćemo osvojiti tržište i pronaći nove klijente.

U kontinuitetu pratićemo objavljivanje javnih poziva od strane državnih institucija i drugih organizacija kako bismo aplicirali za sredstva usmjerena namjenski za realizaciju određenih programskih sadržaja. Također, u svjetlu novih informatičkih tehnologija TV „Sana“ namjerava u punoj mjeri koristiti i internetsku mrežu, te na takav način plasirati svoje programske sadržaje kako bi oni bili dostupni konzumentima širom svijeta. To se posebno odnosi na brojne građane Općine Sanski Most koji žive širom svijeta. Realizacijom naših sadržaja oni će imati priliku da u audio vizuelnoj formi prate sva bitna događanja na ovim prostorima.



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

Podsjećamo da Radio „Sana“ već punih godinu dana realizira informativnu emisiju „Hronika Sana“ koja se emitira putem „You tube“ platforme i nekoliko internetskih portala i veoma je gledana. Također, u budućnosti planiramo produkciju autorskih televizijskih emisija koje ćemo nuditi drugim tv kućama i kanalima s motivima i temama koji su vezani za naše područje. Smatramo da ćemo na takav način u značajnoj mjeri promovirati ekonomske, turističke, prirodne i druge resurse, te potencijale Sanskog Mosta i na taj način pomoći razvitak našeg grada i općine.

Pri traženju dozvole za TV info kanal kod Regulatorne agencije za komunikacije BiH trebali smo priložiti potpunu finansijsku i programsku dokumentaciju „Radio Sane“ za dvije godine. U svojim kriterijima i uslovima RAK je tražio da se dostave relevantni dokazi o početnim ulaganjima za 2016/17 godinu po 50,000.00 KM i izjavu Osnivača kao garanciju. Početni kapital treba poslužiti za plaćanje godišnjih obaveza prema RAK-u, troškova autorskih prava softvera (programa): za video obradu, montažu, audio obradu; internet usluge za TV, autorska prava programskih sadržaja muzika, sport, filmovi, dokumentarni program, dio obaveza za link, frekvenciju i oprema za link vezu.

Rok odobren od strane RAK- a za početak rada TV „Sana“ je 90 dana od dana izdavanja Dozvole 11.11.2015.godine.

2. Razvojnu intervenciju s ciljem poboljšanja rada i tehnike

Radio, koji se trenutno nalazi u prostoru Pošte i plaća zakup za isti, u 2016 .godini, a vjerovatno i prije rješava problem prostora. Osnivač nam je, a uz potrebno odobrenje Općinskog vijeća, planirao ustupiti prostor u zgradi kina. U novi prostor planiramo preseliti Radio Sanu i TV „Sanu“.

U zgradi kina nalazi se prostor koji je već bio u funkciji ugostiteljskog objekta, da bi isti iskoristila, preduzeće planira u 2016.g aktivirati istu djelatnost, koju imamo u svom Rješenju o registraciji u dijelu djelatnosti subjekta. Navedeni prostor već ima dio interijera koji je u funkciji ugostiteljskog objekta. Radio Sana bi u formi Poslovne jedinice UGOSTITELJSTVO – Caffè bar Sana, registrovala ugostiteljski objekat tipa kafe bar. Aktiviranjem poslovne jedinice ugostiteljstvo pruža nam se mogućnost stvaranja novog sadržaja u objektu, a koji bi predstavljao svojom djelatnošću dodatni značajni izvor prihoda. Ova profitabilna djelatnost bi uspostavljanjem postala samoodrživa, a u isto vrijeme omogućila dodatna finansijska sredstva koja bi se investirala u razvoj i radija i televizije. Za rad ugostiteljskog objekta potrebna su inicijalna sredstva za aktiviranje ove djelatnosti. Već smo obezbijedili tehničku-ugostiteljsku opremu od budućih dobavljača (gratis) i to: kafe aparat, ledomat, rashladni uređaj, sitni ugostiteljski inventar i kao donaciju dva LCD televizora. Pošto smo u fazi formiranja dva značajna poslovna subjekta TV Sana i Caffè bar Sana nadamo se početnoj finansijskoj pomoći Općinskog vijeća – Osnivača u cilju osposobljavanja istih za kvalitetan rad. Za funkcionisanje kafe bara potreban je ugostiteljski namještaj, muzička oprema, fiskalna kasa i dr. U okviru ove radne jedinice planiramo, u zavisnosti od obima posla, zaposliti na određeno vrijeme do četiri radnika i omogućiti učenicima MSS ugostiteljske struke obavljanje prakse i usavršavanje u našem objektu. Planirani ostvareni prihod u toku 2016.godine bi iznosio oko 135.000,00 KM. U prostoru ugostiteljskog objekta planiramo u prijepodnevnim satima emitovati program radija, čime bi i gosti pravovremeno čuli servisne informacije, kratke vijesti i ostale sadržaje. Caffè bar Sana bi pored ugostiteljske usluge aktivno učestvovao u realizaciji kulturno-zabavnih manifestacija, a koje planiramo da se održavaju u velikoj sali kina. Veliku salu koja ima 180 sjedišta, kao i manju salu za projekcije, ustupali bi Općini prilikom organizacija svih proslava i drugih sličnih manifestacija u gradu. Isti prostori će biti na raspolaganju Javnoj ustanovi „Kult media“ za realizaciju njihovog godišnjeg programa rada. Za sve ostale



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

zainteresovane subjekte pomenute sale planiramo komercijalno ustupati, što će predstavljati dodatni izvor prihoda.

S obzirom na to da su za radijsku djelatnost tehnički uslovi rada, tokom prethodnih godina djelimično, ali nedovoljno poboljšani, u 2016. godini aktivnosti u ovom sektoru će biti usmjerene u okviru svojih finansijskih mogućnosti i na obnovu zastarjelih tehničkih kapaciteta i nabavku nove opreme za radio režiju, te link opreme za emitovanje programa. Za rad budućeg preduzeća RTV „Sana“ neophodno je obezbjediti i obnoviti opremu. Usljed nemogućnosti popravka nekih od navedenih uređaja prisutni su godinama problemi kvaliteta emitiranja i slušanja našeg programa u djelovima općine Sanski Most. Preseljenje u prostor kina zahtjeva link opremu za prijenos signala na predajnik Lokveni vrh, što je potrebno i za TV do BHB cabal emitera.

3. Intervenciju u oblasti marketinga i marketinške ponude

- Na osnovu rezultata dosadašnjih istraživanja tržišta, i u 2016. godini, te početkom rada TV Sana“ u narednom periodu će se više raditi na provedbi prezentiranja nove ponude potencijalnim i stalnim klijentima, što će biti jedan od prioritarnijih zadataka menadžmenta i svih uposlenika imajući u vidu sve težu ekonomsku situaciju ne samo na Općini Sanski Most nego i šire.
- Provedenje marketinške aktivnosti na web portalu www.radiosana.ba, samoreklamiranje kako kroz sam program tako i putem web portala.
- Provođenje plana aktivnosti pridobijanja novih klijenata pružanjem, kao do sad, usluga snimanja kvalitetnih jinglova, atraktivnijih termina emitiranja.
- Direktnim kontakti sa potencijalnim klijentima u cilju uspostavljanja poslovne suradnje.

4. Promotivne aktivnosti

Nova organizacija, audiovizuelni medij svojim radom vodi ka poboljšanju kvaliteta, vrste i sadržaja programa, povećava se slušanosti-gledanost, pristupit ćemo pojačanim aktivnostima oko promocije programskih sadržaja i samog preduzeća putem sopstvenog rtv programa, web stranice, portala, drugih medija i samih naših klijenata.

5. Imidž preduzeća

Sa stalnom težnjom za boljom, sadržajnijom, savremenijom, medijskom kućom i ciljem postizanja energičnog, modernog i snažnog imidža budućeg J.P. RTV „Sana“, stvaramo i promoviramo i do sad prepoznatljiv audio identitet uz novi audiovizuelni medij, uz redizajn internet web stranice koja je već postigla kvalitet i prepoznatljivost.

6. Vlastita produkcija

S obzirom na značajno povećanje vlastite produkcije u protekle tri godine (više od 90 %) aktivnosti vezane za radijsku djelatnost u 2016. godini će se fokusirati na poboljšanje kvalitete produkcijskog sadržaja. Za realizaciju istog potrebna nam je i adekvatna oprema koja bi zadovoljila standarde RAK-a. TV Sana će svoju, već prihvaćenu shemu najvećim dijelom i realizirati.

Resursi s kojima raspoložemo u 2016. godini



JAVNO PREDUZEĆE „RADIO SANA“ D.O.O. SANSKI MOST

Identifikacioni broj: 4263037610009 PDV: 263037610009 Poreski broj: 11420746 Matični reg. broj: 1-4452-00 KS BIHAĆ

Transakcijski račun: 199 044 000 174 86 – 20 kod Sparkasse Bank

1. LJUDSKI RESURSI

U J.P. „Radio Sana“ d.o.o. Sanski Most je stalno zaposleno trinaest osoba. To su direktor, glavni i odgovorni urednik, sekretar, računovođa, dva novinara, tri voditelja – spikera, tri tonska realizatora i higijeničar - kurir. Obrazovna struktura je slijedeća: visoka stručna sprema – 3, srednja stručna sprema 10.

Uposlenicima, posebno novinarskom i tehničkom kadru je potrebna permanentna edukacija kako iz domena dosadašnjih poslova, tako i iz proširenih djelatnosti preduzeća, što bi se pozitivno odrazilo na kvalitet rada, a i samog programskog sadržaja radija.

Na sastanku održanom 23.10.2014. godine gdje su u ime Osnivača bili prisutni jedan od članova Skupštine radija i sekretar organa uprave, koji će na osnovu Statuta i Pravilnika koji su dobili na uvid izvršiti realnu procjenu stvarnih potreba radija u odnosu na broj zaposlenih, angažiranje i obaveze u realizaciji programa, vremenu utrošenog na isti kao i stručnu spremu, imajući u vidu ugostiteljsku djelatnost i potreban broj radnika. Tom prilikom smo ih upoznali s našim planovima vezanim za proširenje medijske djelatnosti, kao i s aktivnostima koje smo ostvarili na tom planu, te dobili podršku za realizaciju naših planova. Očekujemo odluke i preporuke sa sastanka i kao druge javne ustanove i preduzeća, ponašaćemo se u skladu s tim.

2. FINANSIJSKI RESURSI

Za 2016. godinu kroz Plan prihoda i rashoda budućih RTV „SANA“ i Caffe bar Sana, ukupno je planirano i potrebno **495.000,00 KM** u što je uračunat i planirani ostvareni prihod od vlastite djelatnosti. Od navedenog iznosa potrebe za plaće, topli obrok i regres zaposlenih je **327.583,00 KM** (Prilog: Plan prihoda i rashoda J.P. „Radio Sana“ d.o.o. (J.P. RTV „Sana“) za 2016. godinu).

3. KORISNICI USLUGA

Potencijalni korisnici usluga naše medijske kuće su prije svega svi građani nastanjeni na područjima koja pokriva naš signal (Gradovi USK-a, Prijedor, Bosanski Novi, Banja Luka, Mrkonjić Grad...), kao i preduzetnici svih djelatnosti iz BiH. Od kraja 2008. godine naši slušaoci su i mnogobrojna dijaspora koja naš program aktivno prati putem web portala www.radiosana.ba. Program RTV Sana moći će pratiti svi građani koji primaju usluge operatera BHB Cable TV u čitavoj Bosni i Hercegovini.

Datum:

DIREKTOR

Broj:

Mira Bjelac